

遼史卷七十一

元中書右丞相總裁托克托等修

列傳第一

后妃

肅祖昭烈皇后蕭氏

懿祖莊敬皇后蕭氏

元祖簡獻皇后蕭氏

德祖宣簡皇后蕭氏

太祖高宗皇后舒魯氏

太宗靖安皇后蕭氏

世宗懷節皇后蕭氏

世宗妃甄氏

穆宗皇后蕭氏

景宗睿知皇后蕭氏

聖宗仁德皇后蕭氏

聖宗欽哀皇后蕭氏

興宗仁懿皇后蕭氏

興宗貴妃蕭氏

道宗宣懿皇后蕭氏

道宗惠妃蕭氏

天祚皇后蕭氏

天祚德妃蕭氏

天祚文妃蕭氏

天祚元妃蕭氏

書始嬪虞詩興關雎國史記載往往自家而國以立天下之木然
尊卑之分不可易也司馬遷列呂后于紀班固因之而傳元后於
外戚之後范氏登后妃于帝紀天子紀年以敘事謂之紀后曷爲
而紀之自晉史列諸后以首傳隋唐以來莫之能易也遼因突厥
稱皇后曰哈屯原作國語謂之多爾吉尊稱曰納額默原作
妻蓋以配后土而母之云太祖稱帝尊祖母曰太皇太后母曰
皇太后嬪曰皇后等以徽稱加以美號質於隋唐文於故俗后族
唯伊蘇原作巴哩氏而世任其國事太祖慕漢高皇帝故耶
律儼稱劉氏以伊蘇原作巴哩氏拔里比蕭相國遂爲蕭氏耶律儼
陳大任遼史后妃傳大同小異酌取其當著于篇
肅祖昭烈皇后蕭氏小字卓原作卓真歸肅祖生四子見皇子表乾
統三年追尊昭烈皇后

懿祖莊敬皇后蕭氏小字伊勒希原作牙里辛肅祖嘗過其家曰同姓

可結交異姓可結婚知為蕭氏為懿祖聘焉生男女七人乾統三

年追尊莊敬皇后

元祖簡獻皇后蕭氏小字鄂爾多原作月里朵元祖為朗德原作所害

后嫠居恐不免命四子往依鄰家耶律塔雅克原作臺押乃獲安太祖

生后以骨相異常懼有陰圖害者鞠之別帳重熙二十一年追尊

簡獻皇后

德祖宣簡皇后蕭氏小字伊木沁原作嚴月斤約尼原作通輦氏宰相剔刺

之女男女六人太祖長子也天顯十一年崩祔德陵重熙二十一

年追尊宣簡皇后

太祖清欽皇后舒嚕原作述律氏諱平小字月理朶其先回鶻人諾蘇

原作生諤尼沙哩勒原作寧舍利諤尼沙哩勒生舒舒梅楞原作思梅里舒

舒梅楞生巴噶穆爾

原作婆姑梅里

巴噶穆爾

原作婆姑梅里

娶伊勒都齊

原作勾德

初

王女生后于契丹右大部巴噶穆爾

原作婆姑梅里

名淵

原作月婉

仕約尼

原作遙華

氏爲額珍尼郭齊喀

原作札割只

后簡重果斷有雄畧嘗至遼土

二河之會有女子乘青牛車倉卒避路忽不見未幾童謠曰青牛

嫗曾避路蓋諺謂地祇爲青牛嫗云太祖卽位羣臣上尊號曰地

皇后神冊元年大冊加號應天大明地皇后行兵御衆后嘗與謀

太祖嘗渡磧擊党項黃頭臭泊二室韋乘虛襲之后知勒兵以待

奮擊大破之名震諸夷時晉王李存勗欲結援以叔母事后幽州

劉守光遣韓延徽求援不拜太祖怒留之使牧馬后曰守節不屈

賢者也宜禮用之太祖乃召延徽與語大悅以爲謀主吳主李昇

獻猛火油以水沃之愈熾太祖選三萬騎以攻幽州后曰豈有試

油而攻人國者指帳前樹曰無皮可以生乎太祖曰不可后曰幽

州之有土有民亦由是耳吾以三千騎掠其四野不過數年困而
歸我矣何必爲此萬一不勝爲中國笑吾部落不亦解體乎其平
渤海后與有謀太祖崩后稱制攝軍國事及葬欲以身殉親戚百
官力諫因斷右腕納于柩太宗卽位尊爲皇太后會同初上尊號
曰廣德至仁昭烈崇簡應天皇太后初太祖謂太宗必興我家后
欲令皇太子貝原作倍避之太祖冊貝原作倍爲東丹王太祖崩太宗
立東丹王避之唐太后嘗屬意於少子魯呼原作李胡太宗崩世宗卽
位于鎮陽太后怒遣魯呼原作李胡以兵逆擊魯呼原作李胡敗太后親率
師遇於潢河之橫渡賴耶律烏哲原作屈質諫罷兵遷太后於祖州應
歷三年崩年七十五祔祖陵諡曰貞烈重熙二十一年更今諡
太宗靖安皇后蕭氏小字溫清欽皇后弟實魯原作室魯之女帝爲大
元帥納爲妃生穆宗及卽位立爲皇后性聰慧潔素尤被寵顧雖

軍旅田獵必與天顯十年崩諡彰德葬奉陵重熙二十一年更今

諡

世宗懷節皇后蕭氏小字蘇克濟原作撒葛只瀉欽皇后弟阿古齊原作

阿古只

之女帝爲永康王納之生景宗天祿四年立爲皇后明年秋

生蒙古

原作萌古

公主在薨察克原作察割作亂弑太后及帝后乘步輦直

詣察克

原作察割

請畢收殮明日遇害諡曰孝烈皇后重熙二十一年

更今諡

世宗妃甄氏後唐宮人有姿色帝從太宗南征得之寵遇甚厚生

寧王扎穆

原作只沒

及卽位立爲皇后嚴明端重風神閑雅內治有法

莫干以私劉知遠郭威稱帝世宗承強盛之資奄奄歲時后與參

帷幄密贊大謀不果用察克原作察割作亂遇害景宗立葬二后于醫

巫閭山建廟陵寢側

穆宗皇后蕭氏父知璠內供奉翰林承旨后生有雲氣馥郁久之
幼有儀則帝居藩納爲妃及正位中宮性柔婉不能規正無子

景宗睿知皇后蕭氏諱綽小字燕燕北府宰相思溫女早慧思溫
嘗觀諸女掃地惟后潔除喜曰此女必能成家帝卽位選爲貴妃

尋冊爲皇后生聖宗景宗崩尊爲皇太后攝國政后泣曰母寡子

弱族屬雄強邊防未靖奈何耶律色珍原作斜軫韓德讓進曰信任臣

等何慮之有於是后與色珍原作斜軫德讓參決大政委裕悅原作于越休

格原作休哥以南邊事統和元年上尊號曰承天皇太后二十四年加

上尊號曰睿德神畧應運啟化承天皇太后二十七年崩諡曰聖

神宣獻皇后重熙二十一年更今諡后明達治道聞善必從故羣

臣咸竭其忠習知軍政澶淵之役親御戎車指麾三軍賞罰信明

將士用命聖宗稱遼盛主后教訓爲多

聖宗仁德皇后蕭氏小字菩薩格

原作菩薩哥

睿知皇后弟烏延

原作隗因

之女年十二美而才選入掖庭統和十九年冊爲齊天皇后嘗以草筵爲殿式密付有司令造清風天祥八方三殿旣成益寵異所乘車置龍首鴟尾飾以黃金又造九龍輅諸子車以白金爲浮圖各有巧思夏秋從行山谷間花木如繡車服相錯望若神仙生皇子二皆早卒開泰五年宮人訥木錦原作斤生興宗后養爲子帝大漸訥木錦原作斤訥后曰老物龍亦有旣耶左右扶后出帝崩訥木錦原作斤自立爲皇太后是爲欽哀皇后護衛馮嘉努原作馮家奴吉遜原作喜孫等希旨誣告北府宰相蕭楚布原作泥卜國舅蕭必塔原作匹敵謀逆詔令鞠治連及后興宗聞之曰皇后侍先帝四十年撫育眇躬當爲太后今不果反罪之可乎欽哀曰此人若在恐爲後患帝曰皇后無子而老雖在無能爲也欽哀不從遷后于上京車駕春蒐欽

哀慮帝懷鞠育恩馳遣人加害使至后曰我實無辜天下共知卿待我浴而後就死可乎使者退比反后已崩年五十是日若有見后于木葉山陰者乘青蓋車衛從甚嚴追尊仁德皇后與欽哀並祔慶陵

聖宗欽哀皇后蕭氏小字訥木錦

原作

溍欽皇后弟阿古齊

原作

阿

五世孫黜面狼視母嘗夢金柱擎天諸子不能上后後至與僕

從皆升異之久之入宮嘗拂承天太后榻獲金雞吞之膚色光澤

勝常太后驚異曰是必有奇子已而生興宗仁德皇后無子取而

養之如己出后以興宗侍仁德皇后謹不悅聖宗崩令馮嘉努

原家

作馮奴

等誣仁德皇后與蕭楚布

原作

蕭必塔

原作

等謀亂徙上京

害之自立爲皇太后攝政以生辰爲應聖節重熙元年尊爲法天

應運仁德章聖皇太后二十三年加上尊號曰仁慈聖善欽孝廣

德安靜貞純懿和寬厚崇覺儀天皇太后三年后陰召諸弟議欲立少子重元重元以所謀白帝帝收太后符璽遷于慶州七括宮八年秋帝悔之親馭奉迎侍養益孝謹后常不憚帝崩殊無戚容見崇聖皇后悲泣如禮謂曰汝年尚幼何哀痛如是清寧初尊爲太皇太后崩諡曰欽哀皇后后初攝政追封曾祖爲蘭陵郡王父爲齊國王諸弟皆王之雖漢五侯無以過

興宗仁懿皇后蕭氏小字托里

原作托里

欽哀皇后弟孝穆之長女性

寬容姿貌端麗帝卽位入宮生道宗重熙四年立爲皇后二十三年號貞懿慈和文惠孝敬廣愛崇聖皇后道宗卽位尊爲皇太后清寧二年上尊號曰慈懿仁和文惠孝敬廣愛宗天皇太后九年

秋敦睦宮使耶律良以重元與其子尼嚕古

原作涅魯古

反狀密告太

后乃言于帝帝疑之太后曰此社稷大事宜早爲計帝始戒嚴及

戰太后親督衛士破逆黨太康二年崩諡仁懿皇后仁慈淑謹中外感德凡正旦生辰諸國貢幣悉賜貧瘠嘗夢重元曰臣骨在太子山北不勝寒栗寤卽命屋之慈憫類此

興宗貴妃蕭氏小字繖察

原作三嬙

駙馬都尉匹勒

原作匹里

之女選入東

宮帝卽位立爲皇后重熙初以罪降貴妃

道宗宣懿皇后蕭氏小字觀音欽哀皇后弟樞密使惠之女姿容

冠絕工詩善談論自制歌詞尤善琵琶重熙中帝王燕趙納爲妃

清寧初立爲懿德皇后皇太叔重元妻以艷冶自矜后見之戒曰

爲貴家婦何必如此后生太子濬有專房寵好音樂伶官趙惟一

得侍左右太康初宮婢單登教坊朱頂鶴誣后與惟一私樞密使

耶律伊遜

原作乙辛

以聞詔伊遜

原作乙辛

與張孝傑劾狀因而實之族誅

惟一賜后自盡歸其屍於家乾統初追諡宣懿皇后合葬慶陵

道宗惠妃蕭氏小字塔斯

原作坦思

駙馬都尉錫默

原作霞抹

之妹太康二

年伊遜

原作乙辛

譽之選入掖庭立為皇后居數歲未見皇嗣后妹額

特埒

原作特懶

先嫁伊遜

原作乙辛

子蘇葉

原作緩也

后以宜子言于帝離婚

納宮中八年皇孫延禧封梁王降為惠妃徙乾陵額特埒

原作特懶

還其家頃之其母燕國夫人厭魅梁王伏誅貶妃為庶人幽於宜

州諸弟沒入興聖宮天慶六年召還封太皇太妃後二年奔黑頂

山卒葬太子山

天祚皇后蕭氏小字多囉羅

原作里懶

宰相繼先五世孫大安三年

入宮明年封燕國王妃乾統初冊為皇后性閑淑有儀則兄弟奉

先保先等緣后寵柄任女直兵至從天祚西狩以疾崩

天祚德妃蕭氏小字實古

原作師姑

北府宰相常格

原作常哥

之女壽隆二

年入宮封燕國妃生子塔魯

原作健魯

乾統三年改德妃以柴冊禮封

塔魯

原作撻魯

爲燕國王加妃號贊翼王薨以哀戚卒

天祚文妃蕭氏小字色色

原作瑟瑟

國舅大父房之女乾統初帝幸耶

律撻葛第見而悅之匿宮中數月皇太叔和囉噶

原作和魯幹

勸帝以

禮選納三年冬立爲文妃生蜀國公主晉王額魯溫

原作敖盧幹

尤被

寵幸以柴冊加號承翼善歌詩女直旣強日見侵迫帝畋遊不恤

忠臣多被疎斥妃作歌諷諫其詞曰勿嗟塞上兮暗紅塵勿傷多

難兮畏強隣不如塞姦邪之路兮選取賢臣直須臥薪嘗膽兮激

壯士之捐身可以朝清漠北兮夕枕燕雲又歌曰丞相來朝兮劍

佩鳴千官側目兮寂無聲養成外患兮嗟何及禍盡忠臣兮罰不

明親戚並居兮藩屏位私門潛畜兮爪牙兵可憐往代兮秦天子

猶向宮中兮望太平天祚見而銜之播遷以來郡縣所失幾半上

頗有倦勤之意諸皇子額魯溫

原作敖盧幹

最賢素有人望元妃兄蕭

奉先深忌之誣南軍都統伊都

原作余觀謀立晉王以妃與聞賜死

天祚元妃蕭氏小字貴格

原作貴哥

皇后之妹年十七冊爲元妃性沈

靜嘗晝寢近侍盜貂裯妃覺而不言宮掖稱其寬厚從天祚西狩以疾薨

論曰遼以鞍馬爲家后妃往往長於射御軍旅田獵未嘗不從如應天之奮擊室韋承天之御戎澶淵仁懿之親破重元古所未有亦其俗也靖安無毀無譽齊天巧思乃奢侈之漸宣懿度曲知音豈致誣蠚之階乎文妃能歌詩諷諫而謂謀私其子非矣若簡憲之艱危保孤懷節之從容就義雖烈丈夫何以過之欽哀狠桀賊殺嫡后而興宗不能防閑其母惜哉

通志十一